

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCLXVI.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

& liberam potestatem colligendi & recipendi fructus prædictos nobis & Ecclesiæ nostræ prædictæ debitos per tempus ante dictum, volentes etiam ut post mortem nostram fructus prædictæ quartæ ad dictam Ecclesiam nostram Constantiensem & successores nostros Episcopos Constantienses qui pro tempore fuerint penitus revertantur. Renunciamus itaque omni Actioni & Exceptioni mediantibus quibus promissa possent ullatenus violari. In cujus rei testimonium Sigillum nostrum Episcopale præsentibus fecimus appendi. Datum Constantiæ Anno Domini millesimo trecentesimo quinquagesimo feria quinta post festum sancti Hylarii Episcopi.



CCLXVI.

CAROLUS IV. IMP. BERTHOLDO EPISCOPO ET
CAPITULO ARGENTINENSI RELUITIONEM ORTENAVIÆ
EX MARCHIONUM BADENSIUM MANIBUS
CONCEDIT.

ANNO MCCCLI.

Ex tabulario Bada-Badensi.

CAROLUS Dei gratia Romanorum Rex semper Augustus & Bohemæ Rex ad univerforum notitiam tenore præsentium volumus pervenire, quod oblata nobis per Venerabilem Berchtoldum Episcopum Argentinensem Principem & nobiles *Fridericum & Rudolphum* fratres, *Marchio-*

Marchiones de Baaden fideles nostros, petitio continebat, quatenus ipse Episcopus suo & Capituli, seu Ecclesie suae Argentinensis nomine bona nostra scilicet Ortenberg, Offenbourg, Gengenbach & Celle, Civitates, nec non, quicquid Juris nos & Romanorum Imperium in Mortenauw & praedictis Civitatibus & Castris habere dignoscimur, scilicet in Advocatiis, Censibus, Steuris, Collectis & Reditibus quocunque nomine vocatis cum omnibus Juribus, honoribus, utilitatibus & laudabilibus Consuetudinibus, in quibuscunque rebus consistant, & universis pertinentiis earum, praedictis Marchionibus, per nos in Summa Noningentarum Marcarum argenti & quatuor millium librarum hallensium & quinque millium florenorum auri de florentia legalium & boni poni ponderis, titulo pignoris obligata, prout in litteris nostris inde confectis plenius continetur, pro sua & dicti Capituli aut Ecclesie suae ab iisdem Marchionibus redimere & exsolvere valeat, de nostris consensu & Voluntate benevolis & expressis.

Nos itaque cum iustis & rationabilibus praedictorum Episcopi & Capituli Ecclesie Argentinensis, nec non praedictorum Marchionum supplicationibus benignius annuentes, advertentesque per nostram & imperii Commoditatem & utilitatem evidentem, bona & matura deliberatione & Consilio nostro & fidelium nostrorum praehabitis consentimus, favemus, concedimus & gratiosius indulgemus antedicto Episcopo & Capitulo Ecclesie Argentinensis ut ipsi supra scripta bona, Ortenberg, Offenbourg, Gengenbach & Celle Civitates & omnia Jura, quae in Mortenauw nobis & imperio competunt, obligataque saepe dictis Marchionibus nomine pignoris ab iisdem Marchionibus pro summis pecuniarum superius

Cod. Dipl.

K k k

expressis, autoritate regia & indulto nostro speciali, licite redimere & exsolvere debeant, atque possint; eaque tenere, uti, frui, & possidere, pacifice & quiete sub omnibus pactis, Conditionibus & Clausulis, quibus eadem bona præfati Marchiones titulo pignoris possidebant & tenebant, & quibus eadem ad nos & Romanorum Imperium spectant, & hætenus pertinebant. Ad amplioris quoque præmissorum roboris firmitatem & Cautelam supra scripta bona, scilicet Ortenberg, Offenburg, Gengenbach & Celle Civitates & oppida, & omnia Jura in Mortenauw nobis & imperio competentia cum annuis & singulis utilitatibus, Commodis, Emolumentis, nec non cum Villis, allodiis, Campis, agris, cultis & incultis, pratis, montibus, vallibus, planis, vineis, pascuis, silvis, rubetis, deserto, viis, inviis, fluviis, ripis, rivis, stangnis, aquarumque decursibus, molendinis, venationibus, aucupationibus, piscationibus, piscinis, Jurisdictionibus, Dominiis, honoribus, inditiis, monetis, telaneis, pedagogis, Juribus patronatus, clientibus, servitoribus, censitis, agricolis, Judeis, homagio quocunque, censibus, redditibus, proventibus, fructibus, cum accessibus & egressibus Castrorum, Civitatum & Oppidorum prædictorum, nec non limitibus, metis, gradibus & finibus eorundem & generaliter cum omnibus & singulis ipsorum Juribus, appenditiis, pertinentiis, utilitatibus, & obventionibus quæ ad præfens ibidem habentur, vel haberi poterunt in futurum, in quibuscunque rebus consistant, in integrum, & cum omni usu & acquisitione ex eis, vel pro eis rebus, vel aliqua eorum modo quocunque pertinente & prout prædicta ad nos & Imperium spectabant, & spectant sæpè dicto Episcopo, Capitulo & Ecclesiæ Argentinensi in supradictis summis pecuniarum per eos dictis *Marchionibus de Baden* nostro & imperii no-

mine traditarum & persolutarum, & deinde in quinque millibus florenorum auri de florentia, in quibus eidem Episcopo debitorie tenemur, pro magnis & evidentibus servitiis nobis & imperio per eum multipliciter impensis, de plenitudine Regiæ potestatis, certaue nostra scientia titulo iusti & veri pignoris tradimus & obligamus, per ipsos Episcopum & Capitulum Ecclesiæ Argentinensis eorumque successores habenda, tenenda, uti fruenda & possidenda cum omnibus Juribus & pertinentiis eorum supradictis pacificè & quietè tam diu, quousque eadem bona per nos & successores nostros Romanorum Reges seu Imperatores in supradictis pecuniarum quantitatibus, videlicet noningentis Marcis argenti, & quatuor millium librarum Hallensium bonæ monetæ, ac decem millibus florenorum auri de florentia legalium & boni ponderis in pecunia numerata fuerunt exfoluta, fructibus, redditibus & proventibus, interim per eosdem Episcopum & Capitulum de bonis prædictis percipiendis, quos ipsis ex Speciali doni nostri munere & singularis gratiæ, ac servitiorum ipsorum intuitu per eas nobis exhibitorum elargimur in fortem principalis pecuniæ nullatenus computandis, pro quibus perceptis seu percipiendis fructibus per nos & Successores nostros nullam eis moveri volumus seu tenebimur in Judicio vel extra, quæstionem, promittentes sincerè & bona fide pro nobis & Successoribus nostris, præfatos, Episcopum & Capitulum Ecclesiæ Argentinensis in supradictis bonis & pignoribus nullatenus impedire, seu molestari, aut ipsos ab iisdem amovere, nisi prius eis, ipsorum pecunia supradicta fuerit integraliter persoluta, concedentes etiam expressè præfatis Episcopo & Capitulo Ecclesiæ Argentinensis plenariam potestatem, & ipsi omnia & singula bona seu jura olim

in Mortenauw & ad advocatiam ibidem spectantia, & quæ per præcessores nostros alienata sunt, ab eadem distracta vel obligata, liberè & licitè valeant redimere & exsolvere in tanta summa pecuniæ, pro qua rationaliter existunt obligata, eandemque pecuniam præfatis summis computare, adjicientes etiam, quod quicquid prædicti Episcopus & Capitulum in præfato Castro Ortenberg, ubi necesse fuerit, pro ipsius reformatione circa ædificia impendendum duxerint, de scitu tamen fide dignorum hominum, illud supradictis pignoribus ad priorem summam similiter debebunt & poterunt licitè computare, eo tamen notanter expresso, quod postquam nos & Successores nostri Romanorum Reges vel Imperatores prædicta bona exsolvere decrevimus, ex tunc Nos vel nostri Successores assumere & eligere habebimus tres fide dignos Viros ad conspiciendum prædicta impensa in hujusmodi ædificiis, & juxta eorundem taxam, & arbitrium debet eis certa summa pecuniæ persolvi, & ad prædicta pignora computari, renunciantes expresse in prædictis omnibus pro nobis & Successoribus nostris Exceptioni doli mali, non solutæ vel non numeratæ pecuniæ, in factum actioni, beneficio restitutionis in integrum, Constitutioni, Consuetudini, omnique Juris Canonici vel Civilis auxilio, quod & quæ contra præmissa & eorum aliquod possent nobis & Successoribus nostris quocunque modo suffragari, præsentium sub nostræ Majestatis Sigillo testimonio Literarum, datum in Budweis oppido Regni nostri Bohemiæ anno Domini millesimo, tricentesimo, quinquagesimo primo, Indictione quarta: X. Calendarum Maij Regnorum nostrorum anno quinto.
